

# ত্রি নাম-মহিমা ।

উপস্থিত স্থানে  
সং  
ব, মা, ঙ, ঞ,

শ্রী শশিভূষণ বন্দে, পাধ, যি  
ব্যাক্যাত ।

উপস্থিত - ১৩  
সং  
ব, মা, ঙ, ঞ,

## কালনা

ভক্তি ১৩ প্রচারালয়  
শ্রী গোপেন্দ্রভূষণ বিদ্যাবিনোদ  
প্রকাশিত ।

\*

ক্রীট: ৪২৪ অক্ষ ।

মূল্য ১০ অট আনা ।

---

*Printed & Published*  
BY  
*Gopendu Bhushan Banerjee*  
AT THE  
**BISSAMBHAR PRESS**  
**KALNA**

---

# উৎসর্গ ।



স্বধর্ম্মনিবৃত্ত

রাজমি রায় শ্রীল শ্রীমনমালী রায়

দাহাদুব নামভজনানন্দমু ।

রাজর্ষে,

আপনি নির্মৎসর নৈমত্তবতায় পরম উৎকর্ষ প্রাপ্ত  
কইমাছেন । শ্রীভগবানের নামতত্ত্বের রসাস্বাদনে  
আপনারই উক্তমানিকার । অতএব এই শ্রীনামগাহিমা  
আপনারই করকননে অর্পণ করিলাম । ইতি

বিনয়ানন্দ

শ্রীশশিভূষণ দেবশাঙ্ক্য ।





# নিবেদন ।



এই ভাস্কর কলিযুগে শ্রীহরিনামসাদনই জীবের  
ভবনকনমোচনের এক মান উপায় । শ্রীভগবানের  
নামের মহিমা প্রচার জন্মই শ্রীভগবতীপুত্রাণ দিপঙ্ক  
রাজিসমূহের প্রকাশ । আমি সেই অমৃত-সমুদ্র এক  
বিন্দু লইয়া আপনাদের দ্বারে উপস্থিত । মর্দীয় ব্যাথা-  
বক্তব্যের ক্রটি উপেক্ষা করিয়া, ঈশ্বরের প্রতি ধন্য  
করিবো । নিদ্রিত গৃহকে দ্বারস্থ সারথের বিপদ  
কাণে যেমন জাগাইতে প্রয়াস পায়, আমিও হৃদয়  
বিষয়াসক্ত ব্যক্তিবৃন্দকে শ্রীহরিচরণাবিন্দে অভিমুখী  
করবার জন্য এই কর্কশ চীৎকার করিলাম । ফাদাতা  
ভগবান্, তিনি প্রসন্ন হউন, ইহাই প্রার্থনা ।

দীন ব্যাখাতা ।



# নন্দনা ।

২১২২

জয় জয় গৌরাচাঁদ  
রসিক-শেখর ।  
করণাবরণালয়  
পরম সুন্দর ॥

ভবাক্ষ জৈনৈরে দিয়া  
নামের কিরণ ।  
কলি উপহৃত যত  
তারিলে ভুবন ॥

জয় নিত্যানন্দ জয়  
নাম-রস-দাতা ।  
জয় শ্রীঅষ্টৈতদেব  
মঙ্গল-বিধা ॥

জয় জয় জগদীশ  
যশোড়াধিপতি ।  
যার শিষ্য ভগবান্  
আচাৰ্য্য সন্ততি ॥

জয় শ্রীবৈষ্ণবগণ  
দয়ার ঠাকুর ।  
কৃপা করি কর সব  
অপরাধ দূর ॥

সবার চরণে মোর  
কাতর প্রার্থনা ।  
হটক শ্রীনামরসে  
রসিত রসনা ॥





# শ্রী শ্রী নাম-মহিমা ।



## প্রথম পরিচ্ছেদ ।



বন্দেহং নিখিলানন্দং শ্রীচৈতন্যং দয়ানিধিৎ ।  
যন্নামশ্রুতিমাত্রেণ পুমান্ ভবতি নির্মলঃ ॥

যে পরম দেবতা তামস কলিযুগকে ধন্য করিয়া হরি-  
নামামৃত-রসে জগৎ সিক্ত করিয়া গিয়াছেন, সেই সর্বাভীষ্ট-  
পূরক—সকল-মঙ্গলালয় শ্রীকৃষ্ণচৈতন্যদেবকে বন্দনা করি ;  
—যাঁহার পবিত্র নাম শ্রবণমাত্র নরগণ তৎক্ষণাৎ চিত্ত-  
শুদ্ধি লাভ করিয়া থাকে ।

হরেনাম হরেনাম হরেনামৈব কেবলং ।  
কলৌ নাশ্ত্যেব নাশ্ত্যেব নাশ্ত্যেব গতিরশ্রুথা ॥

শ্রুতি-স্মৃতি-পুরাণ-পঞ্চরাত্রি প্রভৃতি অমল প্রমাণমূলক  
শাস্ত্র সকল সমূচ্চ-কণ্ঠে বলিতেছেন,—কলিযুগে হরিনামই  
জীবের এক মাত্র গতি । শাস্ত্র ত্রিসত্য করিয়া এই বাক্য  
সমর্থন করিয়াছেন । কলিযুগে হরিনাম সার, হরিনাম বিনা  
জীবের গতি নাই আর ।

জয়জয়ন্তী—চৌতাল ।

কৃষ্ণনাম পরম মঙ্গ, বেদ কি বেদান্ত-তন্ত্র,  
সকলি তাঁর তিনি স্বতন্ত্র  
যঙ্গী-যন্ত্র সেই ।

বিখ্যবিত্তু প্রভু সনাতন, পালয়ে জগজীব অগণম,  
সপ তাঁরে তনু-মন-ধন,  
সাধু বচন এই ।

জপ তপ কৃষ্ণ কৃষ্ণ, কৃষ্ণ জগত শ্রেষ্ঠ ইষ্ট,  
নাম স্মরণে কষ্ট নষ্ট  
স্পষ্ট প্রমাণ দেই ।

নাম সার ধন্য কৰ্ম, নাম গতি মুক্তি-ত্রক্ষ,  
নাম স্মর জন্ম জন্ম  
ভকত বৃন্দ যেই ।

নামের কাঙ্গাল দয়াল ঠাকুর নিমাই আমার চতুপাঠীতে  
করিয়া কাতালী-তালে এই নাম গান করিতেন ;—

হরি হরয়ে নমঃ কৃষ্ণ যাদবায় নমঃ ।

যাদবায় মাধবায় কেশবায় নমঃ ॥

হাভু আমার নিজের নাম নিজে কীর্তন করিতেন,  
আর চতুপাঠী নামামৃতে প্লাবিত হইত । সহাধ্যায়ীরা  
তর্কের তপ্ত ইক্ষু চর্ষণ ত্যাগ করিয়া নাম রূপ তামরসে  
বিভোর হইতেন । চতুপাঠী হইতে চতুপাঠী অন্তরে নামের  
অঙ্গলধ্বনি উথিত হইত, জাহ্নবী-কলোলে—পবন-হিল্লোলে  
—বিখচরাচরে নামমুখা উছলিয়া পড়িত ।

আমার দয়াল নিতাই যখন নাম ধরিয়া নগর-ভ্রমণে  
সাহির হইতেন, তখন পাষাণী যবনও পাগলপ্রায় ইতস্ততঃ

( ৩ )

ছুটাছুটা করিত। রামনামে দুঃখ হ'রে কৃষ্ণনামে সুখ  
পায়,—এ তব্ব চারিশত বৎসর পূর্বে নদীয়ার ঘরে ঘরে;  
বঙ্গের নগরে নগরে, ভারতের দেশে দেশে উদ্ঘাটিত হইয়া  
গিয়াছে। গভু যখন ঝাড়খণ্ডীর বনপথে নাম করিতে  
করিতে পশ্চিম যাত্রা করেন, তৎকালে বনের হিংস্রক  
অশুভ নামের সহিমায় মুগ্ধ হইয়াছিল।

নাম সত্য, নাম নিত্য, নাম চৈতন্যরূপ। হেলায়  
শ্রদ্ধায় যে কোন রূপে একবার নাম লইলেই জীবকৃতার্থ  
তইষ্ট থাকে। অজামিলের উপাখ্যানই ইহার প্রকট  
দৃষ্টান্ত। চিরজীবন-পাপাচারী ব্রাহ্মণকুল-পাংশুল অজা-  
মিল অপত্যগেহে অমুজপুত্রের নাম "নারায়ণ" ডাকায়;  
তাহার শমন-ভবন-গমন নিবারণ হইয়াছিল। ঘোর  
পাপাসক্ত জগাই-মাধাইয়ের কথা কে না জানে? নামের  
প্রভাবে সেই মদাপ-দ্বিজকুলপ্লানি ভ্রাতৃবরের কত না পরমা-  
গতি লাভ হইয়াছিল!

কলি অতি ভীষণ যুগ। বর্ণাচার 'এ সময় টলটলার-  
মান। যাগ-যজ্ঞের উপকরণ আহরণ একবারেই অসম্ভব।  
ধর্ম তৌ সবে মাত্র একপাদ। সেই একপাদ শুক-  
সত্যে প্রতিষ্ঠিত। কালসাধ্যো সত্যও এখন ছলনায়  
পল্লিপূর্ণ। ভাই হে! এ যুগ আর নাম বাতীত জীবের  
গতি মুক্তি হয় কি? ভয়াল বিষ্ণুক ভবনযুগে নামই  
একমাত্র তেজ। কেহ হেলা করিয়া এই নাম লইতে

ভুলিও না ! তুমি এখন পরপদানত, —পদাসঙ্গে বিবর্ত,  
তোমার কি আর অন্য উপাসনার অলস আছে ?—  
তোমার এখন হস্তপদ সবটী যে বাঁধা, তুমি মনে করিলে  
কেবল মুখে পাপ-তাপহারী রাখানাথের নাম অনাস্রসে  
করিতে পার । ইহার জন্ত না ভক্ত কবি গাহিয়াছেন ;—

ভেইয়া রাম ভজন ক্যা ভারি ?

হাতমে তেরা কাম চালাও হো

মুমে বাতাও ধনুধারী ।

নাম-মহিমা তোমরা জান তো ভাই ?—নামের গভাব  
তোমরা শুনিয়াছ তো ভাই ? জানিয়া শুনিয়া তবে  
তোমরা এমন মধুমাখা নাম লটতে অলস হও কেন ?  
যখন জীবের পাপভার বৈধ প্রায়শ্চিত্ত অতিক্রম করিয়া  
অতি ভয়ঙ্কর হইয়া উঠে, তখন এই নামই তাহার এক মাত্র  
পরিজ্ঞানের পথ । কেন এ কথা কি আজ নূতন শুনিতেছ ?  
ঘোর পাপাচারী চোর রজাকরের ইতিহাস কি তোমাদের  
অবিদিত আছে ? ব্রাহ্মণাশ্রয় হইয়া যখন ব্রহ্মহত্যা নর-  
হত্যা প্রভৃতি গুরুতর পাপে রজাকর অন্ধ হইয়া উঠে,  
তখন ব্রহ্মা কুপাপরবশত তাহাকে কি প্রাণারাম রামনাম  
দিয়া কৃতার্থ করেন নাই ?

পাপেরই কি গার্হভাব কম ? রজাকরের রসনাতে কি  
সহজে রামনাম উচ্চারিত হইয়াছিল ? পাপে মজিলে  
নামেও রুচি থাকে কি ? রুচি তো মূরের কথা—রসনাও

( ৫ )

তো বটে না। তাহার জন্মই তো রত্নাকরকে কত  
গহ্বর বৎসর “মরা মরা” জপিতে হইয়াছিল। তারপর না  
রামনাম ফুটে। পাপ শব্দ বটে, কিন্তু নামের কাছে  
নচে। মহাকার মাতঙ্গ যতই বলশালী হউক, সিংহের  
নিকট সে সর্বদা দমনীয়। আলো না থাকিলেই অন্ধ-  
কারের প্রতাপ। যত দিন রত্নাকর নাম ভুলিয়া সংসার-  
সেবায় লিপ্ত ছিল, তত দিনই পাপ তাহার উপর প্রভুত্ব  
করিত, কিন্তু, যে দিন হইতে তাহার চিত্তগুহায় রামনাম-  
রূপ সিংহশিশু প্রবিষ্ট হইল, সেই দিন হইতেই পাপ আর  
তার ত্রিসীমায় যাইতে পারে নাই।

পুরাণ-প্রসঙ্গ কত বলিব? ইতিহাস পুরাণের কত  
প্রমাণ চাই? যে শাস্ত্র যে প্রসঙ্গ পাড়িবে, তাহাতেই  
নামের মহিমা উজ্জ্বল অক্ষরে বিরচিত। নাম তারকব্রহ্ম।  
শাক্ত হও, শৈব হও, আর বৈষ্ণব হও, শেষ দিনে পথের  
সম্মল এই নাম। তাই বলি ভাই, যখন নাড়ী ক্ষীণ  
হইবে, দৃষ্টি হীন হইবে, সকলে তোমার পারত্রিক মঙ্গলের  
জন্ম নাম করিবে, তুমি তখন যে বাকুরোধ হইয়া বিষম  
বিপদগ্রস্ত হইবে। মৃত্যুর দিন-ক্ষণ নাই,—এখনও সবল  
আছ,—এখনও অনায়াসে নাম গান করিতে পার, এই  
সময় অহরহ্ নাম জপিয়া লও। এমন সুযোগ আর  
পাইবে না। এই সময় শয়নে-স্বপনে-জাগরণে গাও ;—

শ্রীকৃষ্ণচৈতন্য শ্রদ্ধা নিত্যানন্দ !  
হরেকৃষ্ণ হরেনাম শ্রীরাধাগোবিন্দ !

সত্য, ত্রেতা দ্বাপর, কলি চারি যুগেই শেষের সম্বল  
হরিনাম । হরিনাম জীবনে অমৃত—মরণে অমৃত । এই  
নামের কি অদ্ভুত শক্তি, ইহার মধ্যে যে কি তাড়িত প্রবাহ,  
যিনি কায়মনে একবার নামের শরণ লইয়াছেন, তিনিই  
তাঁহা বলিতে পারেন । নামই নাম-গ্রহণের উত্তর গাধক ।  
নিষয়-বাসিতচিত্তে হঠাৎ নামের জ্যোৎস্না না ফুটিতে  
পারে । তখন সাধু ভক্তের কাছে নাম শুনিতে হয় ।  
সেই শ্রবণের ফলে রসনার নাম আপনি আইসে । তখন  
তাঁহা হইলে বুঝিতে পারা যায়—হরিনাম অমৃত কি না ।  
রসনা তো প্রিয়তমাকে নানা প্রীতির ভাষায় সম্ভাষণ  
করিয়াছে,—পুত্র কন্যাকে কত মোহাঙ্গের বুলি বলিয়াছে,  
—নিষয়-বাবচারে কত কলা-কৌশল ব্যক্ত করিয়াছে, কিন্তু  
নাগ লইয়া জিহ্বা আজ যেমন সরস,—আজ যেমন সুখী,  
ঐ সকলে কোন দিন সে তাদৃশ সরস, তাদৃশ সুখী হইতে  
পারিয়াছে কি ? পারে নাই বলিয়াই সাধু-শাস্ত্রেরা হরি-  
নামকে অমৃতের সঙ্গে উপমা দিয়া গিয়াছেন । অমৃতের  
গরল থাকিতে পারে, নাম কিন্তু গরলদা সুখান্দ । গাও  
ভাই ব্রহ্মবিৎ গাও ! তোমার গান বড় মিষ্ট লাগে—

নাম তোমারি পুণ্যধাম ।

## দ্বিতীয় পরিচ্ছেদ ।



ধ্যায়শ্চিত্তামণি নাম চৈতন্যরসবিগ্রহঃ ।

যস্য প্রভা প্রভাবেণ ত্রায়তে সৰ্বকামিবাৎ ॥

হে সংসার সন্তপ্ত জীব ! চৈতন্যরসময় চিত্তামণি নাম  
ধ্যান কর । নামের প্রভাবে তোমার সকল পাপ, সকল  
তাপ বিদূরিত হইবে । কণিযুগে নাম গানেই ভগবানের  
উপাসনা । তদ্বদনশী ঋষিগণ গাহিয়াছেন ;—

কৃতে যৎ ধ্যায়তো বিষ্ণো স্ত্রেতায়াং যজতোমথৈঃ ।

দাপরে পরিচর্যায়াং কলৌ তদ্ধারিকীর্তনাৎ ॥

সত্যে ধ্যান ধারণা, ত্রেতায় যাগযজ্ঞ, দাপরে পরিচর্যা  
এবং কলিতে কেবল হরিনাম । ভাই কলির জীব !  
তোমাদের প্রতি ভগবানের বড় কৃপা । তোমাদিগকে  
কোন কঠোর তপস্যা করিতে হইবে না, কোন অর্থ ব্যয়  
করিতে হইবে না, কোন উপকরণ—উপচার সংগ্রহের জন্ত  
বিত্রত হইতে হইবে না, তোমরা কেবল প্রাণ ভরিয়া এক  
বার কৃষ্ণ কীর্তন করিলেই এই ভব কারাগারের দার হইতে  
খালাস । বল দেখি ভাই একি কম দয়া, কম অনুগ্রহ ?

কিং তাত বেদাগমশাস্ত্রবিস্তরৈ-

স্তীর্থৈরগৈকৈরপি কিং প্রয়োজনম্ ?

যদাঙ্গনোবাঙ্গসি মুক্তিকারণম্ ।

গোবিন্দ গোবিন্দ ইতিফটং রট ॥

( ৮ )

ভাই ! ভক্তিশাস্ত্র-শিरोমণি লঘুভাগবতামৃত বলিতে-  
ছেন, হে তাত ! িপুল বেদাগম শাস্ত্রের প্রয়োজন কি ?  
বহু তীর্থাটনেরই বা আশ্রকতা কোথা ? যদি মনে মনে  
ষথার্থ মুক্তি বাঞ্ছা হইয়া থাকে, তবে স্পষ্ট করিয়া গোবিন্দ  
গোবিন্দ এই নাম উচ্চারণ করুন । কি সুযোগ, কি সুবিধা !  
হায় হায় কলির জীব, এমন হরি নাম লইতেও তোমার  
আলস্য ? উঠ, জাগ্রত হও, ঐ শুন দয়াল নিত্যানন্দ  
তোমার দ্বারদেশে দাঁড়াইয়া ডাকিতেছেন ।

ডাকিছে নিতাই,—পারে কে যাইবি আয় রে ।

গৌরহরির চরণ তরি ভবের কিনারায় রে ।

পাপী তাপী. শোক-বিলাপী, যে আছ ধরায় রে,  
ওরে যে তরিতে চায় রে,  
গৌর তারেই যে তরায় রে,

এ শুভযোগ এমন সুযোগ ছেড় না হেলায় রে ।

পারে যেতে, ইহা হ'তে কি আছে উপায় রে ?

ওরে তরিবি কৃপায় রে ।

দেখ জীবন ফুরায় রে ॥

ভবের খেলা মোহ মেলা ছাড় বেলা যায় রে

সুতঙ্গায় স্বপন ছায়া, সকলি বৃথায় রে !

ভবে কেহ কারো নয় রে,

এ সব মিছে মায়াময় রে,

মায়া মঞ্চ ভূত পঞ্চ প্রপঞ্চে ভুলায় রে ।

কার্যনাশা হেথায় আসা, বেদের বাসা প্রায় রে ।

মনে জানিও নিশ্চয় রে,

সব ভোজের বাজী প্রায় রে ॥



তাই সব, করুণা-বরুণালয় নিতায়ের আহ্বান শুনিলে  
 ত ? চারি শত বৎসর পূর্বে নিতাই আমার ন'দের গাথে  
 পথে এই আহ্বান করিয়া গিয়াছেন ; আজিও তাহার  
 বাক্য রহিয়াছে । এখনও নদীরায় গেলে সে বাক্য  
 কানের তিতর দিরা প্রাণ স্পর্শ করিয়া থাকে । ধন্ত নিতাই,  
 ধন্ত তাঁর আহ্বান, আর ধন্ত তুমি কলির জীব ? কৈ  
 ভগবান তো তোমার মত কাহাকেও কখন এমন ভাবে  
 যাচিয়া যাচিয়া অদের নাম দেন নাই ? তুমি কি এত  
 আহ্বানে এত অনুরাগেও নাম লইতে বিস্মৃত হইয়া অসার  
 বিষয় মজিয়া রহিবে ? দিক্ তোমাকে দিক্ ! দিক্  
 শত দিক্ !!

নামের মহিমা চিরদিন । ভগবান কিছ আচণ্ডালে  
 কখনও এমন করিয়া নাম-সুধা বিতরণ করেন নাই ।  
 পূর্বে কেবল জ্ঞান গুরু শিবই নাম মহিমা বুঝিয়াছিলেন ।  
 তাই পঞ্চবক্রু পঞ্চবদনে নিরন্তর ঐ নাম গান করিতেন ।  
 দেবর্ষি নারদও বহু জন্মান্তরের সাধনার পরিণামে এই  
 হরি নামের স্বাদ পাটয়াছিলেন । তাই ভগবানের অগন  
 কৃপাতাজন হইয়াও তিনি কোন প্রার্থনা করেন নাই,  
 কেবল বীণা বাঁধিয়া দিবাযামিনী হরিধ্বনি করিয়া ত্রিভুবন  
 পাবন করিতেন ।

নাম প্রবর্তকের সর্কষ, সাধকের সর্কষ, সিদ্ধের সর্কষ ;

ব্রহ্মাদি দেবতারও হুল্লভ । এই নামমহিমা জানিবার  
 জন্য চতুঃসন অসার সংসার ত্যাগ করিয়া চিরকাল যোগ  
 ধ্যানে মগ্ন রহিয়াছেন ! নাম ধনানন্দ, নাম মধুর হইতে  
 স্তমধুর । তান-লয়ে নাম গান করিলে পাষণ্ড জুব হইয়া  
 যায় । এমন নাম যে না লয়, সে কি পাষণ্ড অপেক্ষাও  
 পাষণ্ড নহে ? কাব্যায়ণ সংহিতা গাহিতেছেন,—

ন নাম সদৃশং জ্ঞানং ন নাম সদৃশং ব্রতং  
 ন নাম সদৃশং ধ্যানং ন নাম সদৃশং ফলং ।

নামের সদৃশ জ্ঞান নাই, নামের সদৃশ ব্রত নাই,  
 নামের সদৃশ ধন নাই, নামের সদৃশ ধ্যান নাই, নামের  
 সদৃশ অভীষ্টদায়ী ফল নাই । বস্তু আর কি চাও বল দেখি ।

আবার শুনিবে, \*নাম মহিমা আবার শুনিবে ? ধারণা  
 করিতে পারিবে তো ? এ যে তোমার আমার ক্ষুদ্র হৃদয়ে  
 ধারণা হইবার মত নহে । এ যে মহতো-মহীয়ান্ বাপার ।  
 ধারণা হয় না বলিয়াই তো বিশ্বাস হয় না । নচেৎ আজ  
 নাম-বস্ত্রের জগৎ প্রাবৃত হইতে থাকি থাকিত কি ? নাম  
 দীপ্ত সূর্য্য সদৃশ হইলেও তোমার মনের উপর মায়া-মেঘে  
 যে তাহা ঢাকা পড়িয়া আছে । তাই তো তুমি তাহা  
 দেখিতে পাও না । তুমি পাও বা না পাও, তোমার  
 ধারণ্য শাস্ত্র কিন্তু বলিতেছেন—

গো-কোটা-দানং গ্রহণে চ কালী,  
 মাঘে শ্রমাগে কোটা-কল্প-বাগী ।

স্বয়ং তুল্যং হিরণ্য দানং.

নহি তুল্যং নহি তুল্যং গোবিন্দ নাম ।

ওঃ কি মহিমা ! নামের মহোচ্চতাই বা কত ! কস্ম-  
কাত্তোর যে সব চরম ব্যাপার, এক মাত্র গোবিন্দ নামে  
জীব পগকে হস্তাগলকের মত তাহা হস্তে পাইয়া থাকে ।  
হায় হায় ! এমন নাম লইতেও তোমার অরুচি । তুমি  
কনক আর কান্তার মজিয়া এমন নাম লইতে উদাস্ত  
দেখাইতেছ । ছি ! ছি ! তোমাকে আর কি বলিব  
বল । তোমার বড়ই দুর্ভাগ্য ।

চেতো দর্পণমার্জনং ভবমহাদাবাগ্নিনির্ক্বাপণং ।

শ্রেয়ঃ কৈরবচল্লি কবিতরণং বিদ্যাবধূজীবনং ॥

আনন্দাসু ধিবর্দ্ধনং প্রতিপদং পূর্ণামৃতাস্বাদনং ।

সর্বাস্বপনং পরং বিজগতে শ্রীকৃষ্ণকীর্তনং ॥

শুনিলে ভাই শুনিলে, নামের গুণ শুনিলে ? নাম  
চিত্ত-দর্পণের ময়লা মাটি ধৌত করিয়া নির্মল করে, নাম  
ভব-মহাদাবাগ্নিনির্ক্বাপণের অমৃতভাণ্ড নামে অশেষ  
কল্যাণকৈরবিকা বিচ্ছুরিত হয়, নাম বিদ্যাবধূর জীবনস্বরূপ ।  
নাম, আনন্দাসুধিবর্দ্ধক, নাম গানে প্রতি পদেই পূর্ণামৃতের  
আস্বাদ, নাম সর্বাস্ব তৃপ্ত করিয়া সর্বোপরি বিরাজিত ।  
নামের এই সন গুণ কি কথার কথা । একপ মিথ্যা শব্দবোধ  
দিয়া লাভ কি ? ঋষিরা কি স্বার্থসিদ্ধির জন্ত কোন অভীষ্ট  
সাধন উদ্দেশ্যে এই নাম মহিমা কাঙ্ক্ষন করিয়া গিয়াছেন ?

ইহাতে কি ব্রাহ্মণদের ছই পরসি টপার্জনের কলী আছে ?  
এমন অনায়াস লভ্য মাম লইতে যদি তোমার কুচি না হয়,  
তবে জানিও তুমি জাহান্নমে গিয়াছ। এখনও সাবধান,  
এখনও গময় আছে, — নাম লইতে টপেকা করিও না।  
হস্তে সংসারের কাছ কর, আর মুখে গাও —

হরে কৃষ্ণ হরে কৃষ্ণ কৃষ্ণ কৃষ্ণ হরে হরে ।  
হরে রাম হরে রাম রাম রাম হরে হরে ॥

## তৃতীয় পরিচ্ছেদ ।



সৰ্গপাপবিনাশায় সৰ্বপাপদূপশাস্তয়ে ।  
স্মরতাং নিরতং শুক কৃষ্ণেতি অক্ষরদ্বয়ং ॥

ভাই হে ! সংসারে পাপের জ্বালাই বড় জ্বালা। ইহার  
বিষেই জীব সব জর্জরিত। এই পাপের দাপদাহে দগ্ধ  
হইয়াই জীব সারা জীবন শান্তির জন্ত ছুটাছুটি করে,  
কিন্তু শান্তিলাভ করিতে পারে না। শান্তিনিকেতন  
ছাড়িয়া সংসারে শান্তি লাভের চেষ্টা করিলে কি তাহা  
পাওয়া যায় ? মক্ভূমিত কি কখনও সুপের সুশীতল  
বারি মিলিতে পারে ? যদি সৰ্বপাপ হইতে বিমুক্ত হইতে

চাও. যদি সকল আগু শান্তির বাসনা থাকে, তবে নিরন্তর কৃষ্ণ এই অক্ষরদ্বয় গান কর ।

নাম সংকীৰ্ত্তনের গামাক্ত মাণ্ডায়া শুনিবে ? শুনিয়া দেখ দেখি, ইহার ভিতর কেমন আশার বাশরী বাজিতেছে । খুঁটানেরা যে পাণের প্রাশ্চিত্তের কথা বলেন, এই নাম সাধনের কাছে তাহা লাগে কি ? এই সব ঋষি-বাক্যে তুমি বিশ্বাস না করিবে কেন ? এখনও ত তুমি হাতে কলমে ইহার পরীক্ষা লইতে পার । নামের সাধনে হো দেশকালপাত্দের বাধা নাই । তুমি তো এখনও নাম লইয়া বৃষ্টিতে পার, চিত্তের কত উল্লাস হয় । অন্তরের অন্তর হইতে কে কেমন বলিয়া পাঠায় তুমি নিস্পাপ । তোমার হৃদয়ে কত বল আইসে,—অকস্মেৎ কেমন অকৃচি হইয়া দাঁড়ায় ।

হে পাপী তাপী শোকবিলাপী জীব ! তোমার মুখ মলিন কেন ? তুমি গুরুতর পাপাচরণ করিয়া কি এমন হতাশ হইয়া পড়িয়াছ ? শাস্ত্রের শাসনবাক্য শুনিয়া কি তুমি আজ এমন অবসর ? ভয় নাই, ভয় নাই, ভয় নাই, নামের সাধন কর, ভয় নাই । ঐ দেখ, নাম বরাভর লইয়া তোমার সম্মুখে মূর্ত্তিমান্ ! তুমি একবার কারমন-বাক্যে কৃষ্ণ এই বর্ণদ্বয় উচ্চারণ কর, তোমার সকল পাপ নষ্ট হইবে—তোমার সকল অনর্থ বিদূরিও হইবে,—

তোমার সর্বশুভোদয় হইবে, শ্রীকৃষ্ণ প্রেমের উল্লাস  
হিলোল উঠিলে—এক কথায় তুমি কৃতার্থ হইবে ।

নামকারীর সহায় স্বয়ং ভগবান্ । শ্রীভগবান্ অর্জুনকে  
বলিয়াছেন,—অর্জুন ! যে জীব আমার নাম লইয়া  
থাকে, তাহার নাম আমার হৃদয়ে গাঁথা থাকে । নাম  
সঙ্গময়, নাম গর্ভশক্তি, নাম আদি, নাম অক্ষ, নাম  
অনাদি অনন্ত । নামের তুল্য পুণ্য নাই, নামের তুল্য  
গতি নাই, নামের তুল্য ভাগ নাই, নামের তুল্য শম  
শাধি কিছুই নাই । নাম পরমা প্রীতি, নাম পরমাগতি  
নাম পরমা স্থিতি, নাম পরমা ধৃতি । নাম জীবের কারণ,  
নাম পরম শুরু, নাম পরম প্রভু, নাম-কীর্তনকারীর  
কাছে, ভগবান্ চির দিন স্নানী রহিতে গতিশ্রুত ।

নামে কত পাপ হরে শুনিবে ? পাপীর পরিত্রাণের  
একমাত্র উপায় আর কোন ধর্ম আটাই কি ? গোষ্ঠত্যা  
ব্রহ্মহত্যা, নরহত্যার যত মহা পাপ, এই নাম প্রভাবে  
অনায়াসে নষ্ট হয় । শুক্লীগমন অগম্যাগমন প্রভৃতি  
যৌন ব্যাভিচার এক মাত্র এই নামেই ধ্বংস  
থাকে । স্ত্রীহত্যা, পিতৃহত্যা, সুরাপান প্রভৃতি যে সকল  
পাপ মানুষকে পশুত্বে পরিণত করিয়া কোর্টা কল্প নরকে  
নিপাতিত করে, একমাত্র গোবিন্দ নামই তাহাদের উদ্ধার-  
কর্তা ।

হত্যাযুতং পানসহস্রমুগ্রং,  
শুক্রাঙ্গগাকোটিনিবেষণক।  
স্তেয়াশ্চনেকানি হরিপ্রিয়েন  
গেবিন্দনাম্না নিহতানি সদাঃ ॥

স্তেনঃ সুরাপোমিত্রক্রগব্রক্ষহাশুরতন্নগঃ ।  
স্বারাজপ্রিত্তগোহস্তা যেচ পাতকিন পরে ।  
সর্বেষামপ্যশ্রবজমিদসেব স্নানকৃতং  
নাম ব্যাহরণং বিবেণা বতো তাদ্ধবরা মতি ॥

যদি ছরদৃষ্ট বশতঃ স্ত্রীহত্যা, পিতৃহত্যা, ব্রহ্মহত্যা  
প্রভৃতি অযুত হত্যার কেহ লিপ্ত হইয়া থাকে, যদি উগ্র-  
বীৰ্য্য সুরাপানে কেহ সনাতন হিন্দু ধর্মের অবমাননা  
করিয়া আত্মা কলুষিত করিয়া থাকে, যদি অসংখ্য শুক্রা-  
ঙ্গনা গমন জনিত পাপে কেহ মজিয়া থাকে, যদি কোন  
ছর্ভাগ্য জীব গুরু ও মিত্রের ধন অপহরণ করে, দস্যু-  
ত্বরতাতে প্রবৃত্ত হয়, তবে সেই অনন্তগতি—সেই  
ঘোর পতিতের গতি, এই হরি নাম—এই গোবিন্দ নাম ।  
এমন গতিমুক্তি—এমন পাপীর প্রতি অতৈতুক অনুগ্রহ,  
কুত্রাপি অন্বেষণ করিয়া পাওয়া যায় কি? এ নামে যার  
কিছ নাই, তাহাকে কি বলা যায় বল দেখি? এমন মুসাধা  
প্রায়শ্চিত্ত্য থাকিতে সারা জীবন অনুতাপে দগ্ধ হইয়া  
কৃষিগণের কথায় কে প্রায়শ্চিত্ত্য করিতে যার?

অগাধ অনন্ত হিন্দু শাস্ত্রের কত প্রমাণ উদ্ধৃত করিব  
বল ! এমন পাপ কি আছে, বাহা কৃষ্ণ নামে নষ্ট না হয় ?

ইংরাজি ভাষায় এক জন কবি গাহিয়াছেন—

এক কৃকনামে ভাই, যত পাপ করে  
পাপী হ'য়ে তত পাপ করিতে না পারে ।

এ গয়ার যে হিন্দু শাস্ত্রের নিগূঢ় মর্ম্ম লইয়া বিরচিত, তৎপক্ষে সন্দেহ নাই। শ্রীশ্রীহরিতন্ত্রবিলাসে শ্রীপাদ গোপাল তট্ট গোস্বামী নাম সাহায্য। সবক্কে যে সব প্রমাণ উদ্ধৃত করিয়াছেন, তাহা মহাই রত্ন বিশেষ। সেট সকল ঋষিবাক্য নিবন্ধকারের ধৃত পুরাণাদি হঠতে সমুদৃত। সে সবক্কে বিস্মাদ করিবার কাহারও ক্ষমতা নাই। এমন প্রমাণসিদ্ধ এমন সর্ব্বাভীষ্ট পদ নাম লটতেও লোক বিরত কেন? কৈ হিন্দুর কোন শাস্ত্রে নাম গ্রহণের বিরুদ্ধে কোন ব্যবস্থা আছে কি?

হিন্দুর বহুল শাস্ত্র, নানা মতবাদ, কিন্তু নাম গ্রহণ পক্ষে সব ঐক্য। সকলেই এক বাক্যে বলিয়াছেন—

অপাৎ সিদ্ধি র্জপাৎ সিদ্ধি  
র্জপাৎ সিদ্ধি ন সংশয়ঃ।

তাই বলি, সকলে নাম লও, নাম জপ, নাম কীর্তন কর।


কি বিড়ম্বনা, সকাল সন্ধ্যায় এমন মধুর হরিনাম করিতেও মন উঠে না! যখন প্রভাতেও মীতল সমীর ঝির ঝির করিয়া নব কিশলয়গুলি ছলাইয়া ছলাইয়া



ইতস্ততঃ সঞ্চালিত হয়,—যখন পূর্ব গগনে অরুণ-রাগ-উষা  
 প্রকৃতিহন্দরীর সীমন্তে বালার্ক সিন্দুর ফোঁটা লাগাইতে  
 থাকে,—যখন উজ্জানে উজ্জানে বেলী চামেলী কুমুমকলিগুলি  
 সুষমার হাসি হাসিয়া জগৎবাণীর প্রাণে আনন্দের মন্দা-  
 কিনীপারা ঢালিয়া দেয়, তখন থোমাদ্রহৃদয়ে একবার  
 নাম জপ করিয়া দেখ দেখি, হৃদয়ে কত পরমানন্দ উপচিত  
 হয়। যখন দিব্যবশেষে ধরা নববেশ ধারণ করে, উজ্জল  
 ভানুমগুল তিমিরে ধীরে ধীরে নিমজ্জিত হয়, তরুপরে পাখি-  
 গুলি মহেশের মহদ্বশঃ ঘোষণায় লিপ্ত হইয়া থাকে, সেই  
 সময় একবার মধুর স্বরে নাম গান করিয়া দেখ দেখি কত  
 প্রাণারাম হয়—ষোল নাম বত্রিশ অক্ষরের ভিতর কত  
 সুখা উচ্ছলিত হইয়া উঠে।



## চতুর্থ পরিচ্ছেদ ।



কিমত্র পরত্র বাপি অভীষ্টপ্রতিপত্তয়ে ।

কিমস্তি সদৃশো নাম কিং পুনঃ সাধনং মহৎ ॥

নামে পাপ ক্ষয়ের কথা শুনিয়াছেন, এই বার আবার  
অভীষ্ট লাভের কথা শুনুন । সংসারী জীব পুত্রকলম  
বধুবস্ত্র লাভের জন্য কত ব্যয় করিয়া,—কত আয়োজন  
করিয়া,—কত উপচার সংগ্রহ করিয়া, গ্রহ শান্তি করেন,  
নবগ্রহ যাগ করেন, কিন্তু ভাই! শুদ্ধ মান নাম জপ  
করিলে, ইহ কাল পরকালে নামের তুল্য কি মহৎ সাধন  
আছে ? নির্বাণাটে নিরুপদ্রবে এক বার সজল-নেত্রে—এক  
বার ব্যাকুল প্রাণে—একবার মুকুন্দমধুসূদন বলিয়া ডাকিলে  
কোন অভীষ্ট লাভ হইতে বিলম্ব হয় ? শুদ্ধ অপরাধে অভি-  
ভূত হইয়া, হায় রে কলির জীব ! তুমি গুণনিধি নামের  
সেবা করিতে ভুলিয়া রহিয়াছ !

কি অভীষ্ট লাভের জন্য কোন অবসরে শ্রীভগবানের  
কোন নাম স্মরণ মনন ও জপ করিতে হয়, সংক্ষেপে এই  
বার তাহারই উল্লেখ করিব । ইহা অপেক্ষা বিস্তার রূপে  
কেহ অগুসন্ধান লইতে ইচ্ছা করেন, শ্রীহরিভক্তি বিলা-

সের একাদশ বিলাস ও অষ্টাশ্চ আকর গ্রন্থের আলোচনা  
করিবেন ।

এক বিংশতি বার শ্রী ও জয় শব্দযোগ পূর্বক নরসিংহ  
এই নাম কীর্তন করিলে, নিশা হত্যাদি মহাপাপ বিনষ্ট  
হইয়া থাকে । প্রমাণ যথা ;—

শ্রীশব্দপূৰ্বং জয়শব্দপূৰ্বং  
জয়দ্বয়াদন্তর স্থথাহি ।  
ত্রিঃসপ্ত কুঙ্কোনরসিংহনাম  
জপ্তং নিহন্তাদপি বিপ্রহত্যাং ।

মহাভয় নিবারণের নিগিত কুঙ্ক পুরাণে বলা হইয়াছে,  
নি ত্রিঃসপ্ত বার নরসিংহ নাম জপ করেন, তাহার সর্বাধ  
ভয় বিনিবৃত্ত হইয়া থাকে ।

শ্রীপূৰ্ব্বোনরসিংহোদ্বিজ্জয়াতুতরতন্ত সঃ ।  
ত্রিঃসপ্তকুঙ্কোজপ্তস্ত মহাভয়নিবারণঃ ।

কাল বিশেষে মঙ্গল লাভার্থ কোন্ কোন্ নাম স্মরণ  
হতে হয়, তাহারই প্রমাণ গ্রহণ করুন । সারা বৎসর  
সব নাম কীর্তন করিলে, জীবের যাবতীয় অমঙ্গল  
ষ্ট হইয়া থাকে ।

পুরুষং বামদেবঞ্চ তথা সংকর্ষণং বিভূং ।  
প্রহ্মান্নমনিরুদ্ধঞ্চ ক্রমাদকেষু কীর্তয়েৎ ॥  
বলশত্ৰুস্তথা কৃষ্ণং কীর্তয়েদমানসয়ে ।  
মাধবং পুণ্ডরীকাক্ষং তথা বৈ ভোগশায়িনে ।  
পদ্মনাভং হৃষিকেশং তথা দেবং ত্রিবিক্রমং ।  
ক্রমেণ রাজশাব্দীল বসস্তাদিষু কীর্তয়েৎ ॥

( ২০ )

বিষ্ণুঃ মধুহস্তারং তথা দেবং ত্রিবিক্রমং ।  
বামনং শ্রীধরকৈব হৃষীকেশং তথৈব চ ।  
দামোদরং পদ্মনাভং কেশবঞ্চ বদন্তমং ।

সুখেহুঃখে জরাজয়ে, শঙ্কটে প্রিয়মঙ্গমে সর্বদা নাম  
অভীষ্টপ্রদ । নামের বরবিধায়িনী শক্তির কয়টা কথা  
বলিব ? নামে সব হয়, ভাই, সব হয় । যেমন এক মাত্র  
ছফ পান করিলে, জীবনধারণের উপযোগী সব উপাদান  
শরীরে সঞ্চাচিত হয়, তদ্রূপ একমাত্র নাম লইতে পারি-  
লেই জগতে সর্বস্থ লাভ করিয়া অন্তকালে যমকে ফাঁকী  
দিতে পারা যায় । নাম কামীর কামদ, বরপ্রার্থীর বরপ্রদ,  
নামে সব মিলে, নাম কলতরু, কিন্তু নামের মত মগাবস্ত  
লাভ করিয়া কেহ সংসারস্থ অসার বস্তুর দিকে আর  
তাকায় কি ? তাহার সম্মুখে ভোগৈশ্বর্যের ভাণ্ডার খুলিয়া  
দিলেও তখন সে শ্রীভগবানের সেবা ব্যতীত আর কিছুই  
প্রার্থনা করে না । ঋব রাজ্যলাভের জন্য ভগবানকে  
কামমনে ডাকিয়াছিল, ভগবান্ তাহাকে ইহ কালে আস-  
মুদ্র সাম্রাজ্য এবং অন্তকালে ঋবলোকের অধিকারী  
করিলেও, ঋব কাঁদিয়া বলিয়াছিল—ভগবান্ তোমার দর্শন  
লাভের তুগনায় এ সব যে নিতান্ত অকিঞ্চিৎ ।

ভাই হে ! তুমি যে কামনাফাঁদে পড়িয়াছ, নাম  
তোমাকে সে কাম্য বস্তুও দিয়া থাকেজ । যে নাম  
সর্বকাম বরদেখরীর বাহনীর বস্তুকেও মিলাইয়া দেন,

সে নাম কি আর তোমার ছইটা ঐহিক কামনা পূর্ণ  
করিয়া দিতে অসমর্থ ? ঐ শুন শাস্ত্র তোমার কামনাপূরণ  
কাল নামের কি রূপ মহিমা ঘোষণা করিতেছেন । তুমি  
অন্ধ, তুমি অজ্ঞান, তাই তোমার গম্মুখে এমন চিস্তামণি  
নাম থাকিতে তুমি বৃথা চিস্তায় কাতর হইয়া বেড়াইতেছ ।  
দেখ দেখি নামে তোমার বাসনা পূর্ণ হয় কি না,—নামের  
সাধনে তোমার নিদিধ কামনা পূর্ণ হয় কি না । ঐ শুন  
পুলস্ত ঋষি বলিতেছেন ।—

কামঃ কামপ্রদঃ কাস্তঃ কামপালস্তথা হরিঃ ।  
আনন্দোমাধবশ্চৈব কামসংসিদ্ধয়ে জপেৎ ॥

বস্, এখনও তোমার সন্দেহ, এখনও তোমার অবিশ্বাস  
তুমি মুঢ়. তুমি বালক, তোমাকে আর কি বলিব ?

অগ্নিদাহে, শক্রনিগ্রহে, ঘোর অভানে নাম তোমার  
অভয়-আশ্রয় । শয়নে, দুঃস্বপনে, দুর্গম কাননে, সংগ্রামে,  
পিতৃমাতৃশ্রাদ্ধে, ভোজনে, ঔষধসেবনে, প্রিয়সঙ্গমে  
এমন কি গৈথুন ক্রিয়াতেও সর্কব্যাপী নাম স্মরণীয় । কবি  
গাইয়াছেন ।—

“ভুস্তরে খস্তরে যাবচরাচরে,  
সর্কব্যাপী নাম লিখেছ স্বাক্ষরে।—”

এ কথা বড়ই সত্য । যাহার চক্ষু আছে, তিনিই  
বিষচরাচরে ভগবানের এই নাম রূপ দর্শনকরিয়া থাকেন ।  
নিত্য নরনারীগণকে কোন অবস্থায় কি নাম স্মরণ করিতে

হর, তাহার প্রমাণ দেই । নাগিজ্যে অভ্যুদয়ে সকল সময়েই  
জীবের নাম তির আনু গতি নাই ।

ঔষধে চিন্তয়েৎ বিষ্ণুং ভোজনে চ জনার্দিনং  
শয়নে পাদ্যনাভঞ্চ মৈথুনে চ প্রজাপতিং ।  
সংগ্রামে চক্রিণং ক্রক্কং স্থানত্রংশে ত্রিবিক্রমং ।  
নারায়ণং বৃষোৎসর্গে শ্রীধরং প্রিয়সঙ্গমে ।  
জলমধ্যে তু বারাহং পাবকে জলশায়িনং  
কাননে নরসিংহঞ্চ পর্কতে রঘুনন্দনং ।  
দুঃস্বপ্নে স্মর গোবিন্দং বিষ্ণুং মধুসূদনং ॥  
মায়াসু বামনং দেবং সর্বকাৰ্যেষু মাধবং ॥

নামের যে কি শক্তি তোমাকে কি বুঝাইব তাই ! এ  
তোমার জড়বিজ্ঞানবাদে কুলাটবে না । এ অধ্যাত্ম-  
তত্ত্বের অসার-লেশ টেলিগ্রামের মহিমা কি সাধন বিনা  
বুঝাইবার উপায় আছে? এ বি তোমার জড়ীয় রসায়ণ যে  
পারদ গন্ধক মিলিত করিয়া দেখাইবে, কজ্জলী কেমন ?  
হাইড্রোজেন অক্সিজেন মিলাইয়া বলিব, এই দেখ জল ?  
এ শক্তি অবিচিন্ত্য, — এ শক্তি অনির্করণীয় । পূর্ণপ্রকৃতি  
সাধ্যা শ্রীমতীই এই নামের শক্তিতে অভিবূতা হইতেন ।  
তাই ভক্ত কবির প্রাণের তিতর ভাণের ফোয়ারা  
ছুটিয়াছিল । —

সখী কেবা শুনাইল শ্যাম নাম,

কানের তিতর দিয়া মরমে পশিল গো,

আকুল করিল মোর প্রাণ ।

শক্তিধরী না হইলে, নামের শক্তি গ্রহণ করিয়া কেহ

হৃদয়ে ধারণা করিতে পারেন কি ? নাম ভুবনমঙ্গল, নাম  
পতিতপাবন, লও ভাই, লও—নাম লও ।

### পঞ্চম পরিচ্ছেদ ।

জানীহি নিশ্চিতং তাত অভিন্ননাম নামধৃক্ ।  
অতস্তত্ত্ব এষা শক্তিঃ প্রত্যক্ষপ্রভুরব্যয়ঃ ।

ব্রাহ্মণ ! নাম ও নামী অভিন্ন জানিবে । ইহার  
অর্থই নামের এত শক্তি,—এত প্রভাব । শ্রীভগবান্ তক্ত  
ভিন্ন সহস্রা অস্ত্রের দৃগ্গোচর হয়েন না, অব্যয়স্বরূপ  
প্রভুনাম কিন্তু অতি বড় পাষাণেরও প্রত্যক্ষীভূত ।  
এ হিসাবে নাম নামী হইতেও শ্রেষ্ঠ, নামী হইতেও করুণা-  
নিদান । তক্ত গাহিয়াছেন,—

যেই কৃষ্ণ সেই নাম ভজ ভক্তি করি ।  
নামের সহিত রন আপনি গ্রীহরি ॥

নাম নামী অভিন্ন, ইহাই বিশ্বাস কর । এমন প্রকট-  
দৃষ্টান্ত তো আর নাই । কেন, দেখ না কি, যে স্থানে  
সাধু মুখে হরি কথা, সেই স্থানেই ভগবস্তাব জাগ্রত—সেই

খানেই নয়ন তাঁহাকে দর্শনের জন্ম লাগসাম্বিত,—সেই  
 খানেই মন তাঁহাকে পাইবার জন্ম ব্যাকুল বিব্রত,—  
 পদ তাঁহার ধাম গমনের জন্ম উৎসুক । তখন প্রাণের  
 ভিতর সেই জগজ্জ্যোতির জ্যোতি বিকীরিত । এ সব  
 তো ব্যক্ত বিষয় । ভগবান্ যে নারদকে স্বয়ং বলিয়াছেন,  
 শুন নাই কি ?

নাহং তিষ্ঠামি বৈকুণ্ঠে যোগীনাং হৃদয়ে ন চ ।  
 মদ্বক্তাঃ যত্র গায়ন্তি তত্র তিষ্ঠামি নারদ ॥

নারদ ! আমি বৈকুণ্ঠে থাকিতে পারি না, যোগীদের  
 হৃদয়েও না, কিন্তু ভক্তেরা যেখানে আমার নাম গান  
 করেন, আমি সেই খানেই সর্বদা বাস করি ? হরি ! হরি  
 নাম-গানে ভগবানের এতই প্রীতি—এতই প্রেম !

নাম নামী যে অভিন্ন, তাহা বুঝিলেই বুঝিতে পার ।  
 নাম গান করিয়া মাত্র শ্রীভগবানের মোহনমূর্তি তোমার  
 মানস-নেত্রে উদ্ভাসিত হইয়া উঠে । যতই নামে বিভোর  
 হইতে থাক, ততই যেন তুমি তাঁহাকে কাছে কাছে  
 দেখিতে পাও । তারপর নামে আর একটু মজিতে পারিলে,  
 ভগবানের সঙ্গে কথা চলে । তাঁহার রূপ, গুণ, লীলা  
 সবই তখন দেখা যায় । তোমা আমার নাম করিলে  
 হঠাৎ মূর্তিখানা মনে পড়ে না কি ? সে পড়ে কেন ?  
 নামের সঙ্গে অচ্ছেদ্য অশধারণ বলিয়াই না ? তোমা



আমার গঙ্গে কিন্তু ভগবানের উপমা চলে না? সে চৈতন্য-  
তত্ত্ব, সে অবিচিন্ত্য ব্যাপার। তাঁহাতে ত কিছুই অস-  
ম্ভব নহে। সুতরাং সেখানে নাম নামীর ঘনিষ্ঠতা  
আরও সহজ।

নামের মত ভগবদ্রাব উদ্দীপনের আর বস্তু নাই।  
হরিনাম উচ্চারণ মাঝে শ্রীহার উদ্ভূত হইয়া থাকেন।  
এ জন্ম অনেক সময় অনেকে উপহাস ছলে নাম করিতে  
গিয়া পরিণামে সাধু লইয়া পড়িয়াছেন। নাম অভিন্ন  
ভগবান্, ইহা ভিন্ন ভাষায় আর বলি কি? এই অভিন্নত্ব  
হেতু নামের ভিতর কত শক্তি থাকা সম্ভব, তাহা মনে  
করিয়া লউন। ভগবান অনন্ত শক্তিশালী, সুতরাং নামও  
অনন্ত শক্তিশালী। নাম প্রসন্ন হওয়ার অর্থ শ্রীভগবানের  
প্রসন্নতা লাভ। সামান্য প্রভু কত নিগ্রহ অনুগ্রহ করিতে  
সক্ষম, আর প্রভুর প্রভু মহাপ্রভু আমার তাহা হইলে কি  
না করিতে পারেন? সে নামে কত -জগাই মাধাই না  
উদ্ধার হয়!

শ্রীপাট অধিকার রজঃপ্রাপ্ত ভগবান্ দাগ বাবাজী মহা-  
শয় এক জন পরম ভক্ত ছিলেন। শুনা যায় তাঁহার দিবা  
দৃষ্টিলাভ হইয়াছিল। তিনি অধিকার বসিয়া ব্রহ্মলীলা  
নিরীক্ষণ করিতেন। অনেক সময়ই তাঁহাতে ভাবের  
লক্ষণ প্রকাশ পাইত। সেই সময় তিনি শ্রীভগবানের

সহিত রসালোপ করিতেন। এ হেন সিদ্ধ বাবাজী কোন  
বিগ্রহমূর্তি প্রতিষ্ঠা করেন নাই, সাধনের সারভূত চকুর-  
গোচর শ্রীভগবানের গোচরমূর্তি শুদ্ধ নামব্রহ্মই প্রতিষ্ঠা  
করিয়া গিয়াছেন। নামই ব্রহ্ম—নামই চৈতন্য বলিয়া  
তিনি বিভোর হইতেন। কেহ তাঁহার সম্মুখে নাম  
করিলে, তিনি যেন কৃষ্ণ পাইলেন, এই রূপ পুলককদম্বে  
প্রমুদিত হইতেন।

শান্তিপুত্রের শ্রীলাট্টেত বংশ স্বধামগত বিজয়কৃষ্ণ  
গোস্বামী মহাশয়কে তো জানেন। তিনি প্রথমে প্রসিদ্ধ  
কেশব গেন মহাশয়ের প্রবর্তিত ব্রহ্ম সম্প্রদায় প্রবেশ  
লাভ করেন। ইংরাজী, বাঙ্গলা, সংস্কৃত সকল বিষয়েই  
তাঁহার পারদর্শিতা ছিল। তিনি পবিত্র গুরু বংশে জন্ম  
গ্রহণ করিয়া, প্রাণারাম পরম বস্তু পাইবার জন্তই জীবন  
বসন্তে নানা বৃক্ষে উড়িয়া বেড়াইয়াছিলেন। তাঁহার  
কলকর্ষ কুছতানে এক দিন দেশ মাতোয়ারা হইয়া  
উঠিয়াছিল। কিন্তু নিরাকার ব্রহ্মচিন্তায় তাঁহার প্রাণে  
শান্তি লাভ হয় নাই। প্রাণ্য বস্তু পাইবার জন্ত তিনি  
মধ্যে মধ্যে শ্রীশ্রীরামকৃষ্ণ পরম হংস দেবের কাছেও দৌড়ি-  
তেন। ইষ্ট-গোষ্ঠী গঠিত হইলে, নান্ন প্রকার সংকথা  
হইত। কথার কথায় এক দিন পরমহংসদেব গোস্বামি-  
প্রভুকে লক্ষ্য করিয়া কহিলেন,—বিজয় খুব উত্তমশীল,

বিজয় কেবল কূপ খনন করিয়া বেড়াইতেছে, একটু তল-  
দেশে গেলেই কিছু জল পায়। গোস্বামীজীর সে কথার  
যেন চমক ভাঙ্গিয়া গেল, সেই দিবস হইতে তিনি যেন  
নূতন মানুষ হইলেন।

যিনি নিরাকারবাদী ব্রাহ্ম, তিনি হঠাৎ হরিনাম  
নিরত হইলেন। তাঁর রমণীয় কণ্ঠে বরণীয় তুলসীমালিকা  
শোভা পাইতে লাগিল। তিনি বাঁগা ধারণ করিয়া  
সজলনেত্রে নিরন্তর নাম গানে প্রবৃত্ত হইলেন, ব্রজমণ্ডলে  
গিয়া নাম সাধন করিতে লাগিলেন। গড়া যিনিষ গড়িতে  
বেশী বিলম্ব লাগে না, পাকা হাত পাকাইতে কম দিন  
বিলম্ব হয়? গোস্বামীজীর নামসাধনা সিদ্ধ হইল, তিনি সেই  
জ্যোতিষ্ময় ব্রহ্মবাদ ছাড়িয়া নামই যে পরতত্ত্ব, নামই যে  
হরি সত্য। ইহা জগতে প্রচার করিলেন। শেষ দশায়  
পুরীক্ষেত্রে আঠারনালার পার্শ্বে ষাটু যে মঠ স্থাপন করিয়া  
গিয়াছেন, অত্য়পি সেখানে এই নাম ব্রহ্মেরই সেবা পূজা  
চালাতেছে।

শাক্তে ও সাধুর ব্যবহারে নাম যে নামী হইতে অভিন্ন  
তত্ত্ব, ইহার ভূয়ো দৃষ্টান্ত পাওয়া যায়। যে দিকে কর্ণপাত  
করিবে, সেই দিকেই নামের মঙ্গল ধ্বনি। নামই আদি  
বাকী,—নামই চিন্তামণি,—নামই পদ পতিপাতুরসবিগ্রহ।  
—নামই অনাদির আদি,—নাম সর্বকারণের কারণ।

( ২৮ )

নামশিষ্টাৰণি কৃষ্ণশৈতন্যরসবিগ্রহঃ ।  
অনাদিরাঙ্গি-গোবিন্দঃ সৰ্বকারণকারণঃ ॥

গাও ভাট, সকলে এই পরমাত্ম হৃদ্য নাম গাও । তোমরা  
কৃপাপূৰ্বক নামগান করিয়া এই দীনহীনকে কিনিয়া লও ।

## ষষ্ঠ পরিচ্ছেদ ।

দেবালয়ে পুণ্যক্ষেত্রে উপরাগকালেহপি বা ।  
লভতে বহলং পুণ্যং শ্রীহরেঃ নামকীর্তনাৎ ॥

দেবালয়ে, পুণ্যক্ষেত্রে, গ্রহণকালে শ্রীভগবানের নাম  
কীর্তন করিলে. বহুগুণে পুণ্য সঞ্চিত হইয়া থাকে । স্থান ও  
কালগত মাহাত্ম্য সকলেই স্বীকার করিবেন । সঙ্গজ্ঞানক্তি  
সকলেরই অনুভবনীয় । সংসঙ্গে সং অসং সং অসং,  
এ কথা এ দেশে প্রবাদ বাক্যের আশ চির প্রচলিত ।  
বালক বালিকা দিগের দ্বারা এ বিষয়ের বিশেষ পরিচয়  
পাওয়া গিয়া থাকে । উত্তম বালকের সহিত সৰ্বদা বিচ-  
রণ করিলে, অপর বালক উত্তম চরিত্র হইয়া থাকে,  
আবার মন্দ বালকের সহিত মেশামিসি করিলে সে অধঃ-  
পাতে যায় ।

আলাপাৎ গাত্রসংস্পর্শাৎ সখাসাৎ সহভোজনাৎ ।  
সঞ্চরন্তীহ পাপানি তৈলবিশ্বরিবাস্তসি ॥

অই গুন ভাই, আলাপে, গাত্রসংস্পর্শে, পরস্পরের  
নিখাল প্রস্থানে ললোপরি তৈলবিশ্ব বিসর্পণের স্থায়  
পাপ সঞ্চারিত হইয়া থাকে । পাপের দিকেও যেমন  
পুণ্যের দিকেও ঠিক তজ্জা আকর্ষণ । বস্তু মাত্রে স্বয়  
প্রকৃতি অগুণারে অপরকে আত্মসাৎ করিতে যত্ন করে ।  
দেবালয় দর্শকের স্থানে দেবভাব জাগাইয়া তুলে, পুণ্য-  
ক্ষেত্রে তৈথিকের হৃদয়ে পুণ্যের পুতধারা ঢালিয়া দেয়,  
এ সময় আবার মধুর নাম, এ মণিকাঞ্চন সংযোগ, ইহাতে  
পুণ্য বাহ্য হইবে, তাহাতে আর কথা কি ?

গ্রহণ কালে ভগবানের অবিচিন্ত্য শক্তি মানবের  
মানসপটে উদ্বেষিত হইয়া থাকে । এ সময় গ্রহের প্রভাব  
দেখিয়া গ্রহগঠনকারীর বিগ্রহের দিকে লোকের লক্ষ্য  
পড়ে । পাছে কোন গ্রহ কক্ষচ্যুত হইয়া হঠাৎ প্রলয়  
ঘটাইয়া তুলে, এজন্য এই সময়টাকে লোকে বড়ই সঙ্কট  
কাল মনে করে—সঙ্কটহারীর অতুল প্রভাব মনে আপ-  
নিই উদ্ভাসিত হয় । অপিচ এই সময় লোকে মরণের  
ভয়ে ভীত হইয়া ঈশ্বর ভাবাপন্ন হইয়া পড়ে । এ সময়  
পাপ তাপের দিকে তাহাদের মতি গতি প্রতিহত হইয়া,  
ধর্ম অভিমুখী হয়, এই সময় তাহারা জগতের নখরদ্বয় অনুভব

করিয়া পরমেশ্বরের পরম ভক্ত হৃদয় করিবার জন্য  
বাকুল হইয়া উঠে। স্বপ্নে বলিতে গেলে এ সময় তাহার  
যে নূতন মাগুষ হইয়া পড়ে। এই চিত্ত শুদ্ধির অন-  
স্বায় সর্ব গুণ নিলয় নাম গ্রহণ করিলে, কেন না ফলাধিক্য  
হইবে ?

নাম সর্বত্র মধুর—নাম সর্বত্র সুখদায়ক। ঐষধ  
যেমন অল্পপান বিশেষে নীত্র ফল প্রসন্ন করে, দেশকাল  
পাত্রে সাহায্যে নাম ও তেমনি সত্ত্ব ফলশাদ হয়। সকল  
নামই মধুর, সকল নামই রসনার তৃপ্তিপ্রদ, তন্মধ্যে কৃষ্ণ-  
নাম, মধুরতম। তুলারানি যেমন স্কুলঙ্গপার্শ্বে ক্ষণমাত্র  
জলিয়া যায়, কৃষ্ণ নাম কীর্তন মাত্রে মহাপাপ নিনষ্ট  
হইয়া থাকে। ব্রহ্মবৈবর্তপুরাণে বাস বলিতেছেন—

হনন্ ব্রাহ্মণমত্যন্তং কামাতীবা সুরাং পিবন্ ।  
কৃষ্ণকৃষ্ণেতংহোরাত্রং সংকীর্ত্য স্মৃচি তামিমাং ॥

কৃষ্ণ ! কৃষ্ণ ! এমন নামেও অকুচি, এমন নাম লইতে  
ও অলস !

কৃষ্ণনাম সকল নামের অপেক্ষা শ্রেষ্ঠ কেন, বল দেখি ?  
জীবধর্মের তোমার ভিতর যে একটা ভয় আছে, সেইটা  
পাপ। সেইটা যখন বিরাট আকার ধারণ করে, তখন  
তুমি শ্রীভগবান হইতে অনেক দূরে গিয়া পড় আনন্দ  
রূপ তখন তোমার অন্তরে ছায়াবৃত হয়। তখন তুমি বাস

শ্রদ্ধাস ক্রুদ্ধ হইয়া কি যেন কি নরক ভোগ করিতে থাকে । এই সময় যদি তুমি ভাগ্য বলে কৃষ্ণনাম স্বরণ করিতে পার, তখনই তোমার মনে ভাবান্তর উপস্থিত হয় ; তখনই তুমি ভাবিতে থাক, জগদ্রক্ষক কৃষ্ণ থাকিতে আমার ভয় কি ? আমি যতট দূরে গিয়া পড়ি না কেন, তিনি তো কৃষ্ণ, তিনি আমাকে আকর্ষণ করিয়া তো পদছায়া দিবেন । যাই এই আশার মলয় বহিতে থাকে, অমানি ভয়ের কাল মেঘ বিদূরিত হইয়া, আনন্দ নিধির জ্যোতি আপনি ফুটিয়া উঠে ।

এই আলোকে একে একে তাঁহার লীলাকদম্ব হৃদয়ে উদ্ভিত হইতে থাকে । সংসার বিভীষিকা তখন অতীতের কল্পনায় পরিণত হয় । তখন লীলাময়ের লীলারসে রসিত চিত্তে হা কৃষ্ণ করুণাগিন্ধু কোথা হে বলিয়া তাঁহাকে আলিঙ্গন করিবার জন্ত মন অস্থির হয় । এই উৎকট বিরহের অন্তেই ভাব, ভাবের সঙ্গে সঙ্গেই ভগবৎ সাক্ষাৎকার । তবেই ভাই, কৃষ্ণনামে কি না হইল ? সহস্র সহস্র তপস্যা করিয়া যে প্রাপ্য বস্তু লাভ করিতে হইত, অনন্তশরণ অপরাধবিরহিত হইয়া নাম জপ করা কি তদপেক্ষা কঠিন ? হার হার ! কালই এখন আমাদিগকে এমন নামে বঞ্চিত করিয়া বিষম দুর্ভিক্ষকে নিপাতিত করিতেছে ।

বল দেখি ভাই কলির জীব ! বল বল, এখনও কি

তোমার কৃষ্ণনাম লইতে সংকোচ আছে ? এখনও তোমার  
 হৃদয়ে সন্দেহ । ছি !! যাক্ হি বলিয়া কি করিব ? এত  
 নাম শুনে-যাহার চৈমন্ত নাই, দুইটা ছিছিকারে কি তার  
 সাড় হয় ? ভাই হে বুঝেছি বুঝেছি—আমিই অধম  
 বুঝেছি—আমিই অতি দীন হীন হতভাগ্য বুঝেছি ।  
 আমি কিছু তোমাকে ছাড়িতেছি না ভাই । আমি দন্তে  
 তুণ ধরিয়া বলিতেছি, তোমার এই নাম লইতে হইবে ।  
 নাম তবে এখনও তোমার প্রাণ গলে নাই বুঝিলাম,  
 কিন্তু হে ভাগ্যবান্. একবার ভক্তিভরে নাম লইয়া দেখ  
 দেখি, কিছু দিন কষ্টে সৃষ্টে নাম লইয়া দেখ দেখি,  
 নামে তোমার মাতাল করিতে পারে কি না ?

কি কথা, নাম লইয়া কি কাহারও শ্রম পণ্ড হইতে  
 পারে ? না,—কখনই না । তুমি নাম লইতে গিয়া প্রাণ  
 দাও নাই, ভাই নামের মহিমা জানিতে পার নাই ।  
 যদি দিনান্তে একবারও নামে মজিতে, তাহা হইলে কি  
 তুমি নামের প্রসাদ কিছুই লাভ করিতে না ? হা নির্বোধ !  
 তাও কি কখনও হয় ? ঋষিবাক্য কি মিথ্যা হইবারি ঘো  
 আছে ? লও, লও, নাম লও, তোমার নাম লওয়া হয়  
 নাই । তুমি আত্মসমর্পণ করিতে পার নাই, তবে নামের  
 শক্তি কি বুঝিবে ? তুমি নিজে ভুল করিয়া কি মধুর নামে  
 দোষ দিবে ? ডাক ভাই ডাক, নাম ডাক, একবার ডাকার



মত ডাক । একবার প্রাণ দিয়া ডাক ।

নাম যে ভাই অমৃত । অমৃত খেলে লোকের মৃত্যু হয় না ; নাম লইলেও তাই মৃত্যু হয় না, দেহান্তর হয় । অনিরাছ তো মৃত্যুর কত যাতনা ? মৃত্যু নিজেকে কাছাকাছেও ক্লেশ দেয় না, এখনকার চিকিৎসকদেরও এই মত । রোগের যত্ননা আছে, কিন্তু, মৃত্যু কালে রোগের যত্ননা নিরস্ত হয় । তবে মৃত্যুকালে জীব যত্ননায় ছটফট করে কেন ? বিকট বিভীষিকা দেখে কেন ? সে সব তার পাপের স্মৃতি । মৃত্যু কালে জীবের পাপের খতিয়ান মনে পড়ে । বাহিরের জ্ঞান গেলেও সে মনের মধ্যে পাপ চির দর্শন করিয়া বিহ্বল হয় । ভাই নাম লইয়া যদি মনে করিতে পার আমি নিষ্পাপ, তবে আর তোমার মৃত্যু যত্ননা কোথায় ? নাম লও বিশ্বাস কর, তোমার জন্ম মৃত্যুর দুঃখ আপনি নিবৃত্ত হইবে । ভাই সব, বিনয় করিয়া বলি, পরিণামের সম্বল দিয়া রাত্রি হরিনাম কর ।



## সপ্তম পরিচ্ছেদ ।

যদা তু রাধয়া সাক্ষিঃ রাজতে রাধেশাহরিঃ ।  
তদা স পূর্ণমায়ান্তি পুরুষপ্রকৃতিপরঃ ॥

নাম সাধনেই সৰ্বপাপ ক্ষয়, নাম সাধনেই চতুর্ভুজ-  
প্রাপ্তির সোপান, নাম সাধনেই ভববন্ধন মোচন । নাম  
সুধাগিন্ধু, নাম—অনাথবন্ধু, নাম—সংসারসমুদ্র জীবের  
কোটাচক্র স্নানীতল । সকল নামেই শান্তি, সকল নামেই  
সুখ, কিন্তু তথাপি কৃষ্ণনাম সর্বোত্তম । কৃষ্ণনামের কি  
মহিমা, কি জানি কি গৌরব । রাধা সহ সেই কৃষ্ণ নাম  
আবার আরও অপূর্ব আরও রসাল । এজন্য শ্রীরাধাকৃষ্ণ  
নাম লইলে, কি জানি কেমন প্রাণের ভিতর আনন্দ  
মন্দাকিনীর তরঙ্গ উঠে । কেন উঠিবে না ? শ্রীরাধা  
যে শ্রীকৃষ্ণের হ্লাদিনীশক্তি । যে শক্তিতে তিনি জগজ্জনকে  
আহ্লাদ বিতরণ করেন, শ্রীরাধা যে তাঁহার সেই পরা  
শক্তি । সেই শ্রীরাধার সহিত কৃষ্ণ যখন সন্মিলিত হই-  
নই তিনি পরিপূর্ণ ভগবান্ । শক্তিশূণ্য শক্তিমান দাহিকা  
শূণ্য অগ্নি বিশেষ । শক্তি ছাড়া শক্তিমান অসম্ভব বস্তু,  
কেনীকলা বিলাস বিনোদনের জন্ত কখনও এক, কখনও

বা ছই । সে দয়িতাদম্বিতের দৈত ভাব বেদান্ত বুঝে  
 অক্ষয় । সেখানে অাপ্ত বাণ্য বেদও স্তম্বিত নিরস্ত ।  
 সে দৈতাতৈত বিভেদ ভাব বুঝিয়া উঠা কি মানুষের কাজ ?  
 সূত্রমাং পরিপূর্ণ নাম লইতে হইলে শ্রীরাধাসহ শ্রীকৃষ্ণনাম  
 কীর্তন করিতে হইবে । শ্রীগৌরঙ্গ সেই রাধাকৃষ্ণের  
 একবিগ্রহ । এই জন্মই শ্রীগৌরঙ্গ হইতেই কলিতে  
 নাম যজ্ঞের সূত্রগাত । সম্রাট্ আপনি উপাধি ধারণ  
 করিয়া অপরকে উপাধি বিতরণ করেন । ভগবান্  
 আপনি ভক্তির সাধন করিয়া জীকে শিক্ষা দেন ।  
 “আপনি আচরি ভক্তি জীবেশে শিখান,” তাই এই গাথা ।  
 অতএব নামের সাধন করিতে হইলে, শ্রীরাধাকৃষ্ণ নাম  
 লইতে হইবে । ইহাতে সন্দেহ নাই, সংশয় নাই ।

কলির যে রূপ কুটিল আবর্ত, জীবের যে রূপ মলিন  
 দশা, যে রূপ অল্প পরমাণু, তাহাতে নামসাধন বাতীত  
 উপায় কি ? হে শাক্ত হে মাতৃস্বল্পপামী শিশু, ঐ দেখ  
 বিশ্বাদি বিশ্বনাথ জগজ্জননী জদম্বাকে কি বলিতেছেন ?  
 কত যুগ যুগান্ত হইয়া গেলে, শিব শিবানীকে কলি জীবের  
 সাধন সম্বন্ধে কি ইঙ্গিত করিয়াছেন ।

“সাধনানি বহুতানি নানা তন্ত্রাগমাদিযু ।  
 কলৌ দুর্বল জীবানামসাধ্যানি মহেশ্বরি ॥”

হে মহেশ্বরি ! নানা তন্ত্রাগমাদিতে নানা প্রকার সাধন

প্রণালী বনিত আছে সত্য, কিন্তু-ছিন্নল কলি জীবের  
পক্ষে সে সকলই অসাধ্য ব্যাপার। শুদ্ধ ইন্দ্রিত পদাস্ত  
নহে, ইহার পর আরও স্পষ্ট নির্দেশ আছে। আরও  
খোলা কথা আছে, তুমি বধির হও তোমার ভাগ্য মন্দ।  
নচেৎ ওই গুন—

কলৌ পাপযুগে যোরে তপোহীনেতি দুস্তরে।

নিস্তারবীজমেঠাবৎ ব্রহ্মমন্ত্রস্ত সাধনং ॥

ব্রহ্ম মন্ত্র কি জান ? কৃষ্ণনাম। কৃষ্ণেরই অঙ্গ জ্যাতি  
ব্রহ্ম। বিধের কৃষ্ণ ব্রহ্ম অনুবাদ। কৃষ্ণ কখনও শরীরী  
কখনও অশরীরী, কখনও লীলা জন্ম রাধা সহ রাধামাধব,  
কখনও অভিন্ন বিগ্রহ শ্রীকৃষ্ণ চৈতন্য। এ সব অচিন্ত্য ভাব  
এ তোমার মানবীকরণের অনেক উচ্ছে। ব্রহ্ম, পরমাত্মা,  
ভগবান, তিনিই এক তত্ত্ব।

বদন্তি তত্ত্ববিদো তত্ত্বং বলজ্ঞানমদ্বয়ং।

ব্রহ্মেতি পরমাত্মেতি ভগবানিতি শক্যতে ॥

শুনিলে, কর্ণে গেল তো ব্রহ্ম পরমাত্মা ভগবান এক।  
এখনও মনে মনে বুঝি একটা সন্দেহ আছে ? ব্রহ্ম পর-  
মাত্মা, ভগবান এক শুনিলেও ভাল। তোমার শ্রবণের  
ইচ্ছা জানিলেও, যে বাঁচি। আত্মার বিষয় এমন শুনিতে  
চাওয়া অসম্ভব নহে। আত্মা শ্রোতব্য, বক্তব্য, নিধিতব্য,  
সিতব্য। ইহা তো গেল জ্ঞানের কথা। নয়টা তত্ত্ব  
লক্ষণের ভিতরেও ইহা আছে।

শ্রবণং কীৰ্ত্তনং বিষ্ণোঃ স্মরণং পাদসেবনং ।

অর্চনং বন্দনং দাস্ত্রং সপ্যমাত্মনিবেদনং ।

ইতি পুংসার্পিতা বিষ্ণো ভক্তিশ্চেন্নব লক্ষণা ।

ভক্তিতে স্ত্র'নের নিধিখ্যাগন নাই, আত্মনিবেদন আছে।  
কথাটা কিছু বুঝিলে কি? এই তোমার তুমি হারাইয়া  
তোমাকে কৃষ্ণদাস হইতে হইবে। অন্ত্যভিলাষ ত্যাগ  
করিয়া প্রভু কৃষ্ণের প্রীতিজন্য তোমার বাহা কিছু করিতে  
হইবে। তোমার ভোজন কৃষ্ণদাসের দেহ রক্ষার জন্য,  
তোমার জন্ম নহে। তোমার বেশ ধারণ কৃষ্ণের প্রীতির  
জন্য তোমার জন্ম নহে। বলিলাম তো, তোমার শয়ন  
ভোজন ক্রিয়া যুদ্ধা যে কোন ব্যাপারে তোমার তুমি  
খাকিতে পাইবে না। এ বোধ হয় তোমার ধারণায় আসি-  
তেছে না? আসিবে না বলিয়াই তো মধুর উপাসনার কথা  
পাড়িতেছি না। মাত্র শ্রীরাধাকৃষ্ণের নাম লইতে অনু-  
রোধ করিতেছি। তাই করিলেই হইবে। শ্রীরাধাকৃষ্ণ  
যে শৃঙ্গাররগের গাফাৎ মূর্ত্তি, শ্রীরাধাকৃষ্ণ নামই যে  
প্রত্যক্ষ শ্রীরাধাকৃষ্ণ। রত্নাকর মরা মরা জপিয়া রামভক্তের  
নিগূঢ় মন্যৌ শেষে রামায়ণকার হইয়াছিলেন, শ্রীরাধা  
কৃষ্ণের নাম লইলে তুমিও অচিরে শ্রীশ্রীরাধাকৃষ্ণ লীলাতত্ত্ব  
বেত্তা হইবে। থাক থাক গাথমেই তোমাকে তত কথা  
শুনাইয়া কাজ নাই। তুমি কৃপা করিয়া শ্রীভগবানের  
নাম লও, লও বঙ্গের গৃহে গৃহে নামের মঙ্গল শঙ্খ

বাজিয়া উঠুক । তাহা হইলেই সব হইবে—সব পাইবে ।

বীজ উণ্ড হইলে অক্ষুর পল্লব ফল আপনি উদ্গত হয়, ভক্তি সাধনের বীজ শ্রীনাথ সংকীৰ্ত্তন । বীজ বপন করিবার চেষ্টা কর, দেখো যেন বীজ হারায় না । খুব সাবধান খুব ছাঁসয়ার । এই বীজোদ্গমে এক উৎপাত আছে, অপরাধরূপ কীটে এই বীজ শস্যহীন হইয়া থাকে । তুমি হৃদয়ক্ষেত্রে কৃষ্ণনামের বীজ বপন করিতে ইচ্ছা করিয়া থাক, তোমাকে নাম-অপরাধ-কাটের দিকে লক্ষ্য রাখিতে হইবে । তাহা না পারিলে সব মাটি, সব নষ্ট, অকারণ গণ্ডশ্রম । নামাপরাধ ১০টী, উহার সকল গুণির কথা এ গসঙ্গে নাই উল্লেখ করিলাম । শ্রীভগবানের কৃপায় কাহারও স্বেদনী পুণ্ডিকায় প্রীতি হয় ; ক্রমে ক্রমে সব বলিব । আজ নামে অভিযুক্ত করিবার আস্থান । হে নাম-প্রেম-বিতরণকারী শ্রীগোবিন্দ, তুমি তোমার গিন্ন কালর জাবকে নামরত গহণের এই ক্ষণ আস্থানে আকর্ষণী শক্তি সঞ্চার কর । তুমি প্রভু নামের মাগক, তুমি একবার চৈতন্যরূপে সকলের চেতনা ঘটাইয়া নামের রোগ উাখত কর । তোমার কৃপাচারি বধিত না হইলে, কাহারও কি এই সর্ব মঙ্গল মঙ্গলা নামে রুচ জন্মে ? সাহাতে জীব তোমার নাম রূপে প্রণয়ন হয়, তুমি এই মৎ প্রবৃত্তি জাগাইয়া দাও । সন্ধ্যাপে বসি, প্রভু যাহা বলা-

হুঁতেছেন, তাহা বলি, অনন্ত মনে নাম লইলে কোন অপ-  
রাধের সূত্রাবনা নাই। প্রথমতঃ চিত্তের একাগ্রতা  
সম্পাদনের জন্য যত্ন করতাল যোগে উচ্চ কীর্তন করা  
বড় ভাল। একবার অগ্নি পরিত্যাগে আর নির্বাণের  
আশঙ্কা থাকে না। যতক্ষণ ইন্দ্রিয় প্রকলিত না হয়,  
ততক্ষণই আশঙ্কা। অপরাধের ভয়ে কেহ নাম লইতে  
শিছাইও না। শ্রদ্ধাসহকারে অনন্ত মনে নাম কীর্তন  
করিলে কোটা কোটা অপরাধ ক্ষয় হইয়া থাকে। মনতি  
করিয়া বলি, তোমার চরণ ধরিয়া বলি, তুমি দিনান্তে  
অন্তঃ এক সময়েও একটু হরিনাম কর।

---

## অষ্টম পরিচ্ছেদ ।



অহং কর্তা ইতি মত্বা ক্ষীতবক্ষ হে মন্দধি !  
বিনা কৃষ্ণপাদদ্বন্দ্বং কিমস্তি ভেলকং ভবে ?

হে মন্দধি ! আমি কর্তা. আমি বুদ্ধিমান. আমি বিজ্ঞান  
এই রূপ মনে করিয়া ক্ষীত বক্ষে বিচরণ কর । কিন্তু  
ভানিয়াছ কি শ্রীকৃষ্ণের পাদদ্বন্দ্ব ব্যতীত এই ভবান্বিত তন-  
নের আর দ্বিতীয় ভেলা নাট ? ধন্য মায়া, এট জীবন্ত সতো  
হস্তার্পণ করিয়া তুমি কি না ভেল্কি দেখাইতেছ ! হায়  
কত সুন্দর ভুলাইয়া রাখিয়াছ ?

ভাই ! মায়াই খেলায় মজিও না । ঐ যে সংসার  
সংসার করিয়া তুমি উন্মাদ, বল দেখি উহার সঙ্গে তোমার  
সম্বন্ধ কি ? এ সংসার বড়ই বিচিত্র, জীবের পক্ষে  
গোলক ধাঁধা । ইহাতে গবেষণা করিয়া তুমি তো তুমি  
জীবমুক্ত নারদকেও হতভম্ব হইতে হইয়াছিস । মায়া  
কি তোমার বুঝিতে দেয়, তোমার স্বরূপ কি ? বুঝিতে  
দেয় না বলিয়াই তো তুমি আজ কত রক্ত করিতেছ !

অতুল ঐশ্বর্য,—অসাধারণ গৌরবে গর্ভিত হইয়া তুমি  
হোমাকে হারাইয়া বসিয়াছ । আজ মাঝে শত অহু-



জীবী যখন তোমার চিত্ত বিনোদনের চেষ্টা করে, তখন কি তোমার মনে হয়, তুমি মানুষ। সে সময় কেহ একটি অগ্নির কথা কহিলে, তুমি তাহার যুগপাত্ত করিতে উদ্বৃত্ত হও। তোমার তখন মনে হয়, চিরদিন তোমার এই ভাবেই কাটিবে। তুমি যে তখন ঐশ্বর্য্য মতে উদ্বৃত্ত।

হায় ঐশ্বর্য্যশালিন্ ! তোমার ও ঐশ্বর্য্যের গৌরব কতক্ষণ ? উহা যে জলবিষ্ম অপেক্ষাও নশ্বর। তুর্ক সুলতান আব্দুল হামিদের অসুস্থ দেখিলে তো ? যিনি নানা কারে ঐশ্বর - রুমের পাৎসা, তাঁহাকে স্বীয় প্রকৃতিবৃন্দের কাছে প্রাণ ভিক্ষার্ণ কাতর হইতে হইল। এ বিয়োগান্ত নাট্যের কত উল্লেখ করিব ? যত ঐশ্বর্য্য তত তো লাঞ্ছনা, যত সম্মান ততই তো কর্মভোগ।

ভাই রাজপদে সমারুঢ় গৌরবাস্বিত রাজপুরুষ ! তুমি কি প্রভুশক্তি পাইয়া মনে করিতেছ, তুমি প্রভু। মায়ার হস্তপুতলি, তুমি তা' মনে করিতে পার, কিন্তু ও শক্তি তোমার শক্তি নহে। কর্মযোগী বিশ্বামিত্র এক দিন উহার ভাল রূপ পরীক্ষা পাইয়া বলিয়াছিলেন—

বলং বলং ব্রহ্মবলং

ধিক্ বলং কর্মিয়বলং।

যিনি দ্বিতীয় সৃষ্টি করিতে উদ্বৃত্ত, সেই তত বড় কর্মী, তত বড় উচ্চাঙ্গী শেষকালে ভগবানের রূপাই সাধ

স্বপ্নিমা ছিলােন ।

তুমি সংসারে স্মৃথী বলিয়া মনে কর । তোমার  
ছাণ্ডারে বিপুল ধনত্ব, তোমার সংসারে শত শত দাস-  
দাসী, তোমার বিশাল জমিদারী, সব তোমার বিশাল—সব  
তোমার অতুল স্বীকার করি, কিন্তু সে সব কি তোমার ?  
তুমি বাগানের মাগী, চাম-আবাদ করিতেছ বটে, বাগান  
তোমার নহে, তুমি ঠিক মত কাজ করিতে না পারিলে,  
তোমার পৃষ্ঠে চাবুক পড়িবে, ইহাই তোমার লাভ ।  
তোমার জ্ঞান নাই, তাই তুমি “আমার আমার” করিয়া  
সর” । এ সংসারে আমার কিছুই নাই ।

তুমি যে মনে মনে আপনাকে বড় ভাবিয়া বসিয়াছ,  
বল দেখি তুমি বড় কিসে ? তোমার জন্ম কি সঙ্কম করিয়া  
কেহ শ্মশান শয়ন নিবারণ করিতে পারে ? সে সময়  
তুমিও যা’, পথের ফকিরও তা’ । যে অভিনয় করিতে  
আসিয়াছ কর, নিষেধ নাই, কিন্তু মনে যেন থাকে, উহা  
অভিনয়—উহা যথার্থ নহে । ঐ জন্ম তোমার মনে যেন  
এক দিনও এক বিন্দু অহঙ্কার না সঞ্চারিত হয় + তা’  
হইলেই তুমি মাটি ।

ভাই ! মারাই সংসার নাটকের তন্তুধারিণী । “এই  
সংসার অধিকার পার হটেতে হইলে, ভগবচ্চরণারবিন্দ আশ্রয়  
করিতে হয় । ভগবান্ গীতার বলিয়াছেন,—

দবীহোষা গুণময়ী মমাময়া দুৰত্যয়া ।  
মামেব যে প্রপদ্যন্তে মাদ্রামেতাস্তরস্তিতে ॥

তাই বলিতেছি, এ মুখ মুখ নহে, এ সম্পদ সম্পদ  
নহে । প্রতি পদে যাহা বিদ্যুত হইবার ভয়, তাহা কি  
কখনও গর্কের বস্তু ? তাই, বৃথা গর্কের জন্ম বিফল করিও  
না, সতর্ক হও ।

হে সংসারবিলাসী আত্মচিন্তাশিখা মানব ! তোমার  
জীবন কয় দিন ? তুমি এ সব অলসে কুরসে মজিয়া আছ ;  
উঠ উঠ, আর যে সময় নাই; তুমি যাহাদের জন্ত জীবন-  
টাকে তুচ্ছ করিয়া থাক, ঐ দেখ তোমার শেষ দশা-  
দেখিয়া তোমাকে কোথায় কি করিতে চাহিতেছে !  
তুমি ইহাদের মোহে ইহাদের কত করিয়াছ, কৈ ইহারা  
তো তোমার কিছু করিতে চায় না ? ঐ গুন নেপথ্য  
গংগীত —

যাদের লাগিল তোমারে ভুলেছি  
তারা তো চাহে না আমারে ।

চাবে না তো ? তুমি বোকা, তাই সারাজীবন আমার  
আমার করিয়াছ । বাস্তবিক তারা তোমার কে ?  
শঙ্করাবতার শঙ্কর গাহিতেছেন—

- কা তে কাস্তা কস্ত পুত্রঃ ?
- সংসারোয়মতীৰ বিচিত্রঃ ।

সংসার করিতে হয় কর, অত মজিয়া মৌয়া হওয়া

কেন ? কর্তব্য বোধে যতটুকু হয় কর, কিন্তু জেন চির-দিনই তোমার এটা কর্তব্য নহে ।

বিষয়ের স্মৃতি স্মৃতিই নহে, স্মৃতির আভাস । সংসারে প্রেম প্রেম করিয়া তুমি যে পাগল, সেটা প্রেম নহে—কাম । প্রেম হইলে কি আর মানুষ মানুষ থাকে, দেবতা হয় । তোমার সে প্রেম গেমই নয়—তুমি প্রেমের লোভে কামে পড়িয়া ভুল করিয়াছ । এ দিক হইতে চক্ষু ফিরাও, এ পীতলের গাদার স্বর্ণ কোথা পাইবে ? প্রেম চাই—গেমই পুরুষের পুরুষার্থ । সে প্রেম কি হাটে বাজারে মিলে ? গেমের গোড়া তো তোমার বলিলাম । হরিনাম কর, মুকুন্দনাম কর, তোমার গেমোদর হইবে ।

কথার কথায় অনেক দূর আসিয়াছি, তোমার অনেক সময় নষ্ট করিয়াছি, মনে কিছু করিও না ভাই, মনে কিছু করিও না । আমিও তোমার মত সংসারের আটা কাটিতে জড়াইয়া অনেক ভোগ ভুগিলাম । কোন কিছুতেই স্মৃতি নাই, সব ফাঁকী রে ভাই, সব ফাঁকী । সব রকমেরই এক একটু স্বাদ তো পাইয়াছি ভাই, কিন্তু সবই যে গিল্টি করা । প্রায় ২৫ বৎসর অনেক দেখে, অনেক শুনে ভগবানের কাছে কাঁদিয়া পড়িয়াছি । এ বড় মজা ভাই এ বড় মজা । একবার নামে মন বসিয়া গেলে, স্বপ্ন ভয় থাকে না ।

এমন সুখ আর কিছুতে নাই, ভাই কিছুতে নাই ।  
এ সুখের সঙ্গে সংসারের কোন সুখের উপমা দিব বল  
দেখি ? সংসারের সকল সুখের পশ্চাতেই একটা দুঃখের  
কটাক্ষ থাকে । এ ভাই ঘনানন্দ, নামরসে মজ্বিতে পারিলে  
সব দোরস্ত হইয়া যায় । যেমন প্রাবৃত্তিবনে নদনদী  
উচ্ছলিত হইয়া, সব একাকার হইয়া থাকে, তেমনি ভাই  
নাম রসে রুচির বান্ ডাকিলে, সকল সিদ্ধি আপনি লব  
হয় । কে যেন হাতে হাতে সব যোগাইতে থাকে ।  
বাসনার বৃশ্চিক দংশন কোথায় ভাসিয়া চলিয়া যায় ।  
সব করা যায়, সব বলা যায়, কিন্তু সে করা সে বলায় আমি  
যেন কেউ নই মনে হয় । অনেক বিরক্ত করিলাম, অনেক  
প্রাণাপ বকিলাম, কিন্তু, আমি ব্রাহ্মণ, ভিক্ষা আমার বৃত্তি,  
আমি দস্তে তৃণধারণ করিয়া বর্ণিতেছি, নিত্য তোমরা  
নামঘণ্ট কর, ইহাই আমার ভিক্ষা ।

---

# পাশিষ্ঠ ।

## উষা-কীর্তন।

কি আছে তুলতে নামের তুলনা  
কি আছে এ হেন ঠাণ্ডারাম ?  
নিগম-কলপ-পাদপ-নিকর-  
গালিও ললিত রসাল নাম ।  
অপিতে অপিতে পরাণ ভিতরে  
বিতনে অগিয়া অবিরাম ।  
হরে কৃষ্ণ হরে কৃষ্ণ কৃষ্ণ হরে  
হরে রাম হরে হতে রাম ।

ভূ'ন মঙ্গল, পণের সঙ্গল  
ত্রিতাপ-শীতলকারী নাম ।  
উচ্চ কর্তে হয়, যদি কেহ গায়  
লাগে বা কোথায় সরিত সাম ?  
মধুর উষায় যেন নাম গায়,  
কেহ কি তাহার কভু রয় বাগ ?  
সদা স্মৃথে রয়, ভুলে যায় ভয়  
পদে পদে জয় পূর্ণ মনস্কাম ।

ভুল না ভুল না, অপিতে ভুলনা  
ভুলনা ভুলনা বিষয় নাগ ।  
নামের হিলোলে, এ মহীম গুলে  
গিলে স্মৃৎ-মোক-শান্তিধাম ।



॥ ३५ ॥

সাক্ষা কীর্তন ।

পাটবে আনন্দ ভকতরূপ  
বন্দ শচী-নন্দন ।  
কর আরাধন অবিশ্রান্ত  
সাধক-সুখ-সাধন ॥

পদ্যনাভ হৃদিকেশ  
ছন্দবেশ-ধারণ ।  
যোগী-হৃদ্য পাদপদ্ম  
ভক্ত-সদ্য-নর্তন ॥

গলিত ক্ষেম-দলিত কান্তি  
ভ্রান্তিনিকর-নাশন ।  
প্রেমময় চিৎস্বরূপ  
দামিনী দর্প-দমন ॥

দীপ্ত সাক্ষর তৃপ্ত কিরণে  
লিপ্ত জগমোহন ।  
অধরে আমরি নামের লহরী  
কালকলুষ-শাসন ॥

ধার রক্ষ রক্ষ রক্ষ  
রক্ষ গধুহৃদন ।  
পলে পলে নয়ন গলে •  
বল হে রাধারমণ ?

—————

ନଗର-କୀର୍ତ୍ତନ ।

ନୋକା ହରିବୋକା ବାକା ମାନକ

ସାନର ଜନମ ସଫଳ ହ'ବେ ।

ଏ ସେ ମନ ଯୋକାର ଠାଟୀ ଖୁଟି ନାଟୀ

ବଲ୍ ଦେଖି କେ କ'ଦିନ ଭବେ ?

ଆଜ୍ଞା, କି ବାକି ଲାଣ୍ଡେ ଚୁ'ଦିନ ଅଣ୍ଡେ,

ମନ ପରିଜନ କୋଣାୟ ରବେ ।

ବାନା ସେ ଲକ୍ଷା ଦଡାୟ ଗୋଞ୍ଜେର ଗୋଞ୍ଜାୟ

ଏଡାତେ କି ପାର'ବ ଭବେ ।

ମିସେଛୋ ବିଷମ ଭୁଲେ ଈଶାନ ମୁଲେ

ଆମ କି ମନେ ପଢ଼'ବ କବେ ?

ଏହି ନେଲା କ୍ଷମ୍ପଟ୍ଟେ କ୍ଷମ୍ପଟ୍ଟି ସାଧାକୃଷ୍ଣ

ବଦନ ଭରେ ବଳ ସବେ ।

ଭାଗେର ଚିତ୍ର ଉତ୍ତମ ମିତ୍ର

କେବା ସେ କାର୍ଯ୍ୟ ମଞ୍ଜେ ଲ'ବେ ?

ଶୁନି ଶ ଶ୍ର ମର୍ମ କେବଳ ଧର୍ମ

ଏକା ତଥନ ମଞ୍ଜେ ରବେ ॥

ମିସେଛୋ ମାନ ମଞ୍ଜେ ମଞ୍ଜେ ମାନ ମାନ

ଏ ମନ ବାଞ୍ଜେ ମନେ ହବେ ।

ଭୁବିଲେ ଆୟୁର୍ଯ୍ୟା ଭୁଜବୀୟା

ହୁହୁ କାର୍ଯ୍ୟ ବୁଝ'ବେ ମବେ ॥





নগর-কৌতুহল ।

খোল হরিবোল বাজা মাদল

মানব জন্ম সফল হ'বে ।

এ যে সব ধোকার টাটা খুটি নাটা

এল দেখি কে ক'দিন ভবে ?

আজ্ঞা কি বাকি আছে ড'দিন আছে,

মন পরিজন কোণায় রবে ।

বাণা যে লম্বা দড়ায় গোঁজের গোড়ায়

এড়াতে কি পারবে তবে ।

গিয়েছে। বিমগ ভুলে জীশান মূলে

আন কি মনে পড়বে কবে ?

এই বেলা স্পষ্ট স্পষ্ট রাধাকৃষ্ণ

বদন ভরে বল সবে ।

ভাবের চিত্র সূত্রঃ মিত্র

কেবা রে কার সঙ্গে ল'বে ?

শুনি শ শ্র মর্গ কেবল ধর্ম

একা তখন সঙ্গে রবে ॥

গিয়েছে। মাদ মজে সম্পদ সাজে

এ সব বাজে মনে হবে ।

ডুবিবে আশুহর্য্য ভুজবীষ্য

ইহাই কার্য্য বুঝবে সবে ॥





